

Պարոնը վեր առեց կեսը-այրոած գիրքը, թերթեց եւ, դառնալով ծառային, ասաց.

— Այո՛, շատ բանի պետք կը գար, եթէ կրակը մեծ մասը ոչնչացրած չլիներ:

Դա հայոց եկեղեցական պատմութիւնն էր, որ վաղուց դիտաւորութիւն ուներ գրելու հանգուցեալը:

Պարոնը գրասեղանի վրայ մնացած թղթերն եւս հաւաքեց դրեց արկղի մէջ, կողպեց: Իսկ հանգուցեալի թաշկինակը արեան վերջին բծով՝ թաքցրեց իր ծոցում...

Յետոյ դարձաւ նա դէպի ծառան:

— Դու, բարի Ռաշիդ, քո հաւատարմութեան համար չվարձատրոեցար քո պարոնից, բայց կը վարձատրոես ինձանի: Դու պահպանեցիր մի գանձ, որ մեր ազգի համար շատ թանկագին պետք է լինի: Այդ գանձը այդ արկղի մէջն է ամփոփուած: Վեր առ այդ արկղը, գնանք ինձ հետ:

Յետոյ դարձաւ դէպի վանքի արեղան:

— Շատ շնորհակալ եմ ձեզանից, հայր սուրբ, որ դուք այնքան բարի էք եղել, որ թոյլ էք տոել ձեր վանքում այդ իրեղենները պահպանոին: Որպէս տեսաք, ես վեր առի հանգուցեալի թղթերը միայն, իսկ նրա մնացեալ կայքը թողնում եմ ձեր վանքին:

Հայր սուրբի դէմքը փայլեց ուրախութիւնից:

Պարոնը մեկնեց նրան մի ծրար, ասելով.

— Խնդրեմ, ընդունէք այդ ծրարը. դրա մի մասը կը պահէք ձեզ համար, իսկ մնացածից, որքան կը ծախսոի, մի տապանաբար շինել տոեցէք եւ դրեցէք հանգուցեալի գերեզմանի վրայ:

Արեղան շնորհակալութեամբ ընդունեց ոսկիները, հարցնելով.

— Ի՞նչ գրել տանք տապանաքարի վրայ, հանգուցեալը այնքան տարիներ մնաց վանքում, մենք նրա անունը չիմացանք:

— Ոչինչ գիր հարկաւոր չէ, — պատասխանեց պարոնը, — միայն մի խաչ փորել տոեք:

— Աստուած հոգին լուսաւորեցէ՛, — օրհնեց արեղան:

Ռաշիդը վեր առեց արկղը: Արտասուքը հեղեղի նման թափւում էր խեղճ երիտասարդի աչքերից, երբ նա պետք է թողներ այդ մռայլ խուցը, ուր բնակուել էր նրա տերը, ուր ամէն մի առարկայ յիշեցնում էր նրան այն մարդուն, որին նա այնքան սիրում էր, որին նա պաշտում էր: Երբ վանքի դռնից